


例案續增


三十



		九	漢
	五	五	書
	七	七	門
四	二	九	
冊	架	函	類

庫	文	閣	內
五	九	漢	
冊	五	書	
四	七		
〇	九		
架	冊	號	類

內閣文庫		
番號	漢	9579
冊數	40 (33)	
函號	296	98



例案續增新編卷三十

乾隆元年起

詐偽

假寫王子匾額章送人比詐傳三品言語加等治罪

漢奸造言激變奏請立時正法併陞賞拏解之士司

言官妄奏灾荒議處

進奏講書不得混涉已事

輪進講章隱譏時事

偽造

偽造通判關防照欽給關防治罪

淺草文庫

失察偽造時憲書處分

偷印鈐契擬軍

私刻監督圖記比照偽造印信

雕刻假印並未行使後經他人行用亦未知情原情問徒

私換部冊填寫監擬軍

書役假印別役查稟拿究免失察處分

貼寫假串侵糧照吏役問擬

抄寫文冊之人犯假印改照吏役定擬

私鑄銅

私鑄脫逃首犯拏獲推已正法次犯為首

私鑄案內免死減等之犯發黑龍江為奴

私鑄無字砂錢情罪不符

私鑄無字砂錢治罪

禁湖廣剪邊錢併定當鋪用錢數

私造鉛錢案內取保病故之犯應將擬何罪名聲明核議

詐假官

冒頂故監照無官詐稱有官治罪

入官家奴之子規避潛逃冒民得官治罪

冒頂已革職銜部照赴選

頂名赴選已經引見授職即照律治罪

詐稱內侍等官

捕役借名拏賭嚇詐比照詐充差役擾民例擬軍

假充哨船搶奪照詐充衙門人役妄拏取財例擬軍

詐病死傷避事

以父名捏稱故弟圖賴應追借欠銀兩 附部議錯誤議處

乾隆十一年起

刑律

詐偽

詐為制書

盜用印信冒支多贓從重問擬

偽造印信曆日等

盜賣兵部火牌沿途冒領車輛從重定擬

被誘代刻假印止就所得銀兩計贓問擬

受僱代刻假印止就所得工銀贓數定擬

假印發覺州縣自行審詳仍照失察例降調

私鑄

父子私造鉛錢依一家共犯止坐尊長律免議

夥同私鑄拒捕先行正法杖斃

私鑄鉛錢係保正稟報拿獲不准照自行訪拿免議

私鑄為從擬遣人犯不論有無妻室俱發外遣

詐假官

盜用親王圖章執照治罪

假冒職官情罪甚重發吉林烏拉

例案續增新編卷三十

錢唐沈如焯 澥齋 編輯

刑例

詐偽

詐傳詔旨

假寫王子匾額圖章送人比詐傳三品言語加等治罪

刑部為奏送治罪事看得准多羅平郡王福彭奏包衣大李如蕙披甲奚受潛至安平縣地方向孫姓索欠又假寫匾額描畫圖章送給孫姓一案查郡受假寫平奚王匾額描畫圖章私約已革包衣大李如蕙前往肅寧縣莊頭張文啓家並邀張文啓潛至安平縣將匾額送給民人孫汝周希圖誑騙謝儀又詐稱王子差委索欠往拜知縣逼要監生閆認代還連佩菴舊欠孫汝周銀兩均干法紀查假寫

王子匾額圖章並詐傳王子言語律無正條應將奚受比照詐傳三品官言語吩咐公事爲首杖一百徒三年律加一等治罪杖一百流二千里係旗人折枷號五十日鞭一百隨從同往之李如蕙應比照爲從減一等律杖一百徒三年係旗人折枷號四十日鞭一百均比照加等擬斷應照例聲明恭候

諭旨遵行至孫汝周等勾通奚受李如蕙等在外訛詐逼欠之處已據直督咨報現在飭審其奚受等在部供稱並未得過孫汝周謝儀僅據伊等一面之詞併孫汝周如何接收假匾各情由均難懸擬今各犯既俱在直審理應聽直督審明定擬從重歸結至代寫匾額之人研訊奚受供稱實不知姓名去處應免追緝乾隆五年 月內奉

旨依議

漢奸造言激變奏請立時正法并陞賞拏解之士司

川撫紀 爲漢奸捏造浮言請

旨卽止典刑以昭國法以靖邊陲事竊照川省郡邑三面環番族類各殊性多強悍本年四月間有巴底土司叔姪不睦而革什咱與大金川借名護親交相搆讐于是雜谷校磨乘機助虐經臣會同督提二臣選差幹練員弁竭力化誨尚未竣事經前兩次具奏

聖鑒詎有湖廣永州府祁陽縣遊棍何如章者于七月十六日前赴瓦寺求見該土司桑朗容忠稱臣已題本欲于八月內征勦西北一帶土司地方並捏造

聖旨聳令發兵拒守預行多備糧草并囑令調兵切勿多應等語經密忠窺破其妄令伊當面照寫所言情節現有親書一紙炳據隨將何如章押交汶川縣收禁訊據該犯供稱七月十三日晚宿于灌縣亂右審飯店撞遇不知名姓蠻番二人共相閑談詢知其能識字遂密訴

瓦寺不恤土民伊等欲上省控訴商令設策以重酬該犯遂造謀使人捏哄土司嚇以巡撫欲領兵勦殺彼必畏懼發兵守隘以實其跡告之必護罪蠻民聽計囑其順至瓦寺寄信與土司許其謝銀十兩因此往見容忠計用之間不料被擊其親書所言俱屬捏造混寫等語至詰其有無同夥漢奸及蠻番王使之入嚴究再四茹刑不吐若再刑求不已轉致拔害無辜且捏造浮言混寫

聖旨已經供認不諱伏思當此愚番仇殺之時正宜開導解散之候惟瓦寺地近金川雜谷仍恪守恭順並不從中勾結滋擾乃何如章胆敢捏造無影之事激動蠻番使容忠誤聽恣意妄行不知何所底止况漢奸出入苗疆有干

功令臣到任後隨處留心不時覺察今何如章貪一己之小利啓邊壤之殊端若不亟請立正典刑則漢奸罔知畏憚合無仰請

天威迅賜正法恭候

諭旨到日臣即將何如章罪惡宣播軍民立時斬首庶懲一儆百奸邪胆落心寒群番聞風震懾而邊方百姓共享收寧之福矣乾隆九年九月初四日奉

旨何如章着即在該地方立時處斬並將罪惡宣播軍民番眾等知之桑朗容忠窺破何如章奸妄情節即行押交收禁將造謀捏哄等處一一究出甚屬可嘉着賞給指揮使職銜該撫傳旨獎諭並賞賜緞二疋綢一二疋以示鼓勵該部知道欽此

言官妄奏災荒議處

吏部

旨明白回奏事御史李懌奏災荒議處等因乾隆六年十一月十日奉

旨李源陳奏本省事宜有意挾制督撫又復捏詞巧辦本應從重治罪但伊身係言官所奏者地方災荒有關民瘼與全挾私意者尚屬有間朕觀近來督撫辦事每多觀望而在內言官又事迎合今若將李源照議處分則外而督撫肉而科道皆以言官陳奏災荒而懼嚴譴勢必以匿災爲得計以奏災爲畏途而閭閻饑饉無由上聞矣夫言官聲張氣勢挾制封疆大吏此風固不可長然其爲害尙小若民隱不能上達使百姓至于流離失所其流弊實爲最大權其輕重與其懲言官而開諱災之端寧可從寬假以廣耳目之益誠使督撫等皆秉公據實公爾忘私國爾忘家惟盡愛民之心毫無觀望之習朕亦不必如此鯁鯁過慮而無如其不能也况科道等如果假公濟私把持本省之事必不能逃朕之洞鑒亦斷無可寬之理李源之罪尚不至此着照部議章職從寬留任欽此

進奏講書不得混涉已事

乾隆五年十二月初一日奉

上諭前蔣溥會奏世臣稽察宗學性情偏執不甚安靜朕因其尙無關係祇令世臣不必稽察宗學並未加以處分今屆伊奏書之期乃引卽墨阿大夫之事而將伊不習宗學之案叙入以爲必有進言毀臣者此端一開其陷害將由漸而入世臣此奏竟似朕聽讒言而退伊職掌矣夫卽墨阿大夫之段譽乃顛倒是非之事伊安得引以自比况奏書原以陳講書理豈可借以辨白已事甚屬不合着交部議處具奏欽此

輪進講章隱譏時事議處

吏部爲遵

旨嚴察議奏事議得內閣交出乾隆九年九月初一日奉

上諭朕令翰林科道輪進講章者原以講明義理裨益學問也若臣工有

欲行陳奏之事自應明白直陳于君上之前何得借講書之名以巧用其術如黃明懿今日之講章朕披覽之下覺其意有所指因召見面問之曰汝之講章爲書義而發乎抑因時事而發乎伊奏曰實因今歲北闈科場搜檢太嚴及于褻衣下體頭場二場搜出懷挾只四十餘人而聞風退避去者遂至二千餘人之多士氣沮喪有闕國體等語國家之闈科取士原欲得真才實學之人而用之懷挾作弊行類穿窬乃最惡劣之習大有害于科場者朕早已聞知先期告誡至再至三而伊等恬適不悛頭場搜出二十一人二場仍搜出二十一人卽此數亦不爲少矣豈黃明懿猶以爲少乎况貢院門外拋棄蠅頭小卷堆積于牆陰路隅者更不計其數此皆何人者謂朕不知乎此預備挾帶而臨時變計者且有含于口頰而搜檢時嚥入腸中者至于題目畧覺間冷而交白及不完卷者遂有三四百人此又不能挾帶而場中竟致擱筆者其二

場點名時散去之二千餘人明係學問空疎又見不能挾帶託言搜檢太嚴待士非體以不願應試掩其無恥又有謂番役人等有意栽害至前一場搜檢時會有搜出經交查與該生本經不合比將番役鎖拿一事而造言生事之徒遂以此爲口實豈四十二人悉皆出于栽害乎至于搜到褻衣之內原屬非體若果無其人則搜查官員過當之罪自無所逃朕前已明白降旨矣今既有其人則有不得通行之勢此又誰之咎乎且士子有于褻衣下體懷挾經交者此人必之大喪而讀書者之恥也朕前旨謂深自抱慙並非虛語而士大夫亦應共愧共忿默而不言斯已耳猶且袒底無耻者起而攻搜檢之太過則朕不得不明言矣議者徒謂以一二人之無耻累及千萬人孰不知此一二入非市井之徒非穿窬之盜而卽挾策應試于萬人中之一二人也搜查者豈能預知其爲有爲無而分別之設有所分別彼懷挾者方得以藉口設無

所分別而一概從寬則將來禪禪中竟成懷挾之數矣無使聖賢之經
 文入于禪禪之中而不為怪獨怪搜檢太嚴之失士體則為是言之人
 朕竟不能知其為何心矣或者其亦出于此道者耶夫稂莠不剪則嘉
 穀不生朕之剔弊除奸本欲使懷瑾握瑜之人脫穎而出整頓頹風培
 養士氣正所以崇國體也而黃明懿反以為士氣沮喪其謬妄已極此
 必有不肖之士子造作浮言互相煽惑以鼠竊狗偷之行而有搖唇鼓
 舌之風朕若不急為整理不但士習日頹無所底止即伊等將來亦不
 免清流之禍朕心不忍是以法在必行以挽救之黃明懿身為翰林若
 欲建白諫誣即當據實敷陳今乃借進講經書隱諷時事甚屬奸險詐
 偽着交部嚴察議奏欽此查黃明懿身為翰林輪進經書是其專責加
 果于時事有所建白理宜據實敷陳不得稍存詐偽之意今歲科場
 懷挾之弊蒙

皇上加意整頓實所以培養士氣乃該員于輪進講章之時講明經義輒
 以士氣沮喪為辭已屬謬妄且借進書之名隱諷時事以巧行其奸
 隱計偽之術甚屬溺職應將翰林院編修黃明懿照溺職例革職可
 也乾隆九年九月初三日奉

旨黃明懿着革職

偽造通判關防照欽給關防治罪

刑部為請

旨事會議得候官縣民任奕甫等雕刻假印游登等知情行用一案據福
 建巡撫盧 疏稱緣任奕甫刻賣圖書有馮育常曾作福州府糧捕
 通判衙門催差稅役因知催差私收舊糧道比無完馮育常隨起意
 偽造印串賣錢塘比尋取舊票印模攜錢一千文倩任奕甫用壽山
 石雕刻福糧廳假關防一顆馮育常又另刻串板印割造成假串賣

錢每串內填銀一錢賣錢五文至十一月間被廳胥李標查出馮育常等懼罪哀求將假關防打碎棄擲井內串板劈燬李標遂當亦容隱不稟治十三年開征追比十二年分屯欠馮育常故智復萌又出錢一千文徃倩任奕甫照前刻成假關防一顆并另刻串板仍即造成假串賣錢被廳胥李標察出首稟馮育常亦即碎印燬板屢審不諱任奕甫應依例擬流查年逾七十照律收贖馮育常等均依例擬徒等因前來應如該撫所題任奕甫合依偽造諸衙門

欽給關防止圖詭騙財物為數無多錢不及十千為首雕刻例僉妻流二千里至配所杖一百折責四十板查任奕甫年逾七十照律收贖馮育常合依為從例減一等例徒三年至配所杖一百折責四十板均應援赦免罪任奕甫免其收贖乾隆二年三月三十一日奉旨依議

失察偽造時憲書處分

吏部為拿送事議得刑部咨稱直督李以邢豁子夥同路朋成偽造時憲奉部將各地方官失察職名查奏一案除交河縣失察邢書豁子等印造刷賣故城縣失察莊成已刻造書板俱在雍正十三年九月初三日

恩赦以前例得援免職名毋庸開送外所有失察邢豁子于雍正十三年九月初三日在家造賣職名係東光縣知縣蔣壽春失察路朋成用紙換偽造時憲書發賣職名係交河縣知縣趙弘烈理合開報將原咨送吏部查議等因前來應將失察偽造時憲書之東光縣知縣蔣壽春照奸棍私造假印不行查拿例降一級調用失察用紙換回偽造時憲書發賣之交河縣知縣趙弘烈照失于查察例罰俸一年查蔣壽春有加二級應銷去加一級抵降一級免其調用乾隆二年七

月內奉

旨依議

偷印鈐契擬軍

刑部議蘓撫楊 題署泰州知州李從坦侵收稅銀一案緣李從坦於署丹陽縣任內戶書任光顯聞李從坦有調署泰州之信托家人紀大欲攬舊契乞恩用印賺錢分用攬業戶張寧籽等賣契交紀大乞恩紀大乘李從坦公出偷印鈐契等因紀大合依詐爲州縣文書誑騙財物例僉妻發邊衛充軍任光顯合依教誘人犯法與犯人同罪律僉妻發邊衛充軍張寧籽等合依聽人攬納例各杖八十紀大任光顯侵分稅銀應着落二犯照契納稅發各戶收執仍追罰一半并張寧籽等追包攬之數入官乾隆三年四月內奉

旨依議

私刻監督圖記照偽造印記比

刑部爲審擬具奏事看得據倉場侍郎宗寶塞爾赫等奏稱海運倉書攢王貴等用假圖記米票冒領倉糧一案查攢與王貴因劉二代陳六卽留任許給銀兩商謀冒領倉米遂偷取監督印票描畫花押又將監督所用圖記指引劉二往刻字鋪樣雕刻給伊私用印票之上支給陳六填寫清字人名赴倉冒領米一十三石七斗王貴除偷取印票描畫花押盜賣米石等輕罪不議外其私刻假圖記之處雖查係雕刻所用副啓圖書但舞弊作奸冒領倉糧殊于法紀應比照偽造諸衙門印記爲首者律杖一百徒三年聽從王貴往刻圖記之劉二明知王貴私給假票赴倉領米之陳六均應比照爲從及知情行用例杖九十徒二年半係旗人各折枷號三十五日鞭九十王貴陳六仍照例刺字以上各犯均係比照刑部應照例聲明恭候

諭旨遵行書辦吳輔世雖未通同劉二等商謀亦未得受銀兩但同王貴詐給分銀使用印米票四張不行阻止應將吳輔世等照監守自盜倉庫錢糧不分首從一十二兩五錢律杖八十徒二年亦照例刺字趕車之張二應與審不知情之刻圖書人陳治三均毋庸議等因乾隆四年十一月二十七日奉

旨依議

雕刻假印並未行使後經他人行用亦未知情原情問徒

乾隆七年三月刑部會議覆張維周卽張翰私雕假印劉逢信等行用詎騙一案據蘓撫徐將張維周擬以斬候但事犯赦前應援宥劉逢信劉允思依爲從律杖流羅坤姚贊公擬以笞杖等因具題經臣部等衙門查偽造印信非關軍機錢糧假官等弊止圖詎騙財物爲數多者照律擬斬監候爲從杖一百流三千里若爲數無多爲首

雕刻者杖一百流三千里爲從及知情行用者減一等等語張維周聽從劉逢信雕刻假印當時未用嗣劉汝臻等借用假印騙銀事隔二十餘年雖偽造印信應以雕刻者爲首張維周而究未知情行用較之詎騙財物爲數無多者情罪更輕至劉允思劉逢信所騙之銀均不及十兩亦應照例科斷羅坤詎騙姚贊公用價五十七兩併現銀三兩五錢計贓亦非止杖輕重均未允協應令該撫妥擬具題到日再議等因題駁去後今據該撫疏稱張維周于康熙五十七年聽從劉逢信雕刻假印未曾行用迨至乾隆二年五月內劉允思等同劉逢信借用詎騙姚贊公銀兩張維周並未知情自應各按本罪定擬劉逢信詎銀五兩五錢劉允思詎銀六兩八錢亦應照贓治罪將張維周劉逢信劉允思均改擬杖徒羅坤詎令姚贊公當地尙未丈交管業其五十七兩係屬虛贓難以計罪應律擬照杖等因具題應

如該撫所題張維周合依假造印信誑騙財物無多為首雕刻者造而未行減一等例杖一百徒三年事犯

赦前應予援宥劉逢信劉允思合依知情行用誑騙財物銀不及十兩錢不及十千減為首雕刻一等律各杖一百徒三年劉逢信年逾七十照律收贖劉允思于事未發之前將所得之銀首還減罪二等律杖八十徒二年羅坤誑騙姚贊公銀一十四兩五錢仍依詐欺官私取財計贓准竊盜論免刺姚贊公不自投稅依律笞四十折責發落各犯名下所騙銀兩照追入官在逃之劉汝臻應令該撫緝獲另結應將遵駁改正之縣府已經郵事不及改正之前司等均免其查議奉

旨依議

私換部冊填寫假監擬軍

刑部咨通緝陶國俊一案部文內開新選奉新縣縣丞陶國俊等包

捐假監挖改檔冊一案查周霞彩得受陶國俊賄賂胆敢將部存捐冊私給陶國俊換冊紙填寫假監殊屬不法查定例詐為察院布政司按察司府州縣及其餘衙門文書誑騙財物者問發邊衛充軍等語周霞彩應照此例杖一百僉妻發邊衛充軍至配所折責四十板乾隆六年六月十五日奉

旨依議

書役假印別役查稟拿究免失察處分

吏部為詳空事考功司案呈乾隆七年七月初八日准刑部咨護福撫張嗣昌以安溪縣戶書黃東與縣民張挺偽造假印串單編收糧銀一案所有失察職名係安溪縣知縣王植相應開報但經櫃書具稟該縣自行查拏理合聲明應否邀免聽候部議等因前來查此案該撫既稱張挺偽造假印經櫃書具稟該縣自行查拏等語應毋庸

議應移咨該撫可也

貼寫假串侵糧照吏役問擬

刑部爲訪聞土棍攬糧等事會看得閩縣貼書郭維楚私收錢糧令伊兄郭維隆雕刻假印偽造串票一案據福建巡撫周 疏稱緣郭維楚幫櫃書陳煥吳孔美繕寫串票隨誣稱已充櫃書陸續私收欽仁等理糧戶鄭聖懷等應納乾隆元二四等年錢糧共銀五十餘兩侵用各糧戶索取印串無措因思伊分居胞兄郭維隆善刻圖書隨將私收錢糧串給與恐被告發情由告知懇其雕刻假印蓋用錢串票暫爲掩飾郭維隆因情閑手足卽用水塊雕刻假印并驗訖字樣戳記交給郭維楚郭維楚卽向紙舖購買串票將所收元二四等年錢糧照依各糧戶所開糧額戶名填寫蓋用假印戳記給付收執各糧戶復將五六七等年錢糧卽次交與郭維楚完納郭維楚竟將假

印偽串陸續填給又共收用銀三百四十兩經前任閩縣知縣王裕瑣被叅離任訪知前情關移前任閩縣別案叅革知縣范從徹查拏屢審不諱查郭維楚係櫃書貼寫應同衙門吏役論罪將郭維楚擬絞陳煥等擬杖等因應如所題郭維楚合依衙門吏役倩人雕刻假印誣騙銀數至五十兩以上者絞監候例應擬絞監候秋後處決陳煥吳孔美雖不知郭維楚侵收情由但留其幫繕庫串均合依私帶白役例各杖一百革役鄭聖懷等雖係將自己錢糧交納並非包攬但完納錢糧不遵例自行封櫃私交郭維楚包納均屬不合應照不應重律各杖八十仍令照各本戶未完錢糧按數完納郭維楚騙收銀兩除已經完納外其餘未納銀兩應于郭維楚名下查變家產追還鄭聖懷等收領失察假串收糧之閩縣調任知縣王裕瑣離任時已經自行訪出移寃應毋庸議等因乾隆十年五月初十日奉

旨依議

抄寫文冊之人犯假印改照吏役定擬

刑部爲訪拿詳究事據稱撫陳 咨通州顧漢標等雕刻假印誑騙
稅銀一案緣顧漢標與在州謄寫文冊之田起明素相熟識乾隆七
年十月內有夏奎光會將田契託田起明代稅後田起明因貪起竟
爲造假印誑騙卽抄錄所粘契尾內字句并于廢票內裁取州印交
與顧漢標倩其雕刻顧漢標允從先照州印刻出交給田起明又檢
出院司舊官封二個邀顧漢標到家將契尾照式插入板內并將封
套內印花亦照式描出交顧漢標帶回雕刻結與田起明收存有孫
梅先等將田契往稅田起明用假契尾鈐蓋假印給還稅銀入已屢
審不諱顧漢標合依偽造諸衙門印信誑騙財物銀不及十兩爲首
雕刻者例杖一百流三千里訊無妻室單身發遣田起明止在該州

謄寫文冊並非清書應同凡論合依知情行用減一等例杖一百徒
三年咨達前來顧漢標應如該撫所擬完結其起意偽造假印誑騙
銀兩之田起明雖非現在經承但係在該州謄寫文冊且又現辦稅
契事務卽與在官吏役無異查例內各衙門吏役偽造本官印信誑
騙財物倩人雕刻銀不及十兩者杖一百流三千里等語田起明旣
係在官吏役自應照例擬流今該撫謂其並非清書仍照凡人知情
行用例議殊未允協田起明應該依各衙門更役偽造本官印信誑
騙財物倩人雕刻銀不及十兩例杖一百僉妻流三千里至配所折
責四十板餘均如該撫所議完結仍照例年底彙題可也乾隆十年
月 日江省准咨

私鑄脫逃首犯李獲推已正法次犯爲首駁

刑部爲查獲私鑄事會議得續獲私鑄案犯李茂法等一案據湖撫

詐僞

七

崔 疏稱准雲南撫臣張允隨于錢局爐役內查獲李茂法吳克林吳國祥咨解到楚屢審不諱查原題內李常一供係李茂法爲首今審明因李茂法在逃避重就輕應請改正以李常一爲首李茂法爲從等情由李茂法吳克林吳國祥均照爲從例擬以絞決併聲明李茂法吳克林吳國祥俱係聽從入夥出本無多分利極微均屬情由可原又查各犯俱事犯在雍正十三年九月初三日

恩赦以前俱應照例援免等因具題前來查此案先據署湖撫徐鼎疏稱李茂法造意私鑄同吳克林邀約陳順林李常一龔四吳國祥等各出本銀交與李茂法掌爐化銅鑄錢吳克林收買銅劬鑄成錢文攙和官錢發賣經該縣將陳順林李常一龔四王紹華等拏獲到案均供係在逃之李茂法造意爲首並質之知情之王紹華供亦昭合將李常一陳順林龔四擬以絞決王紹華擬徒爲首之李茂法緝獲另

結等因具題經臣部題覆將李常一陳順林龔四正法在案今該撫續獲李茂法等又稱係李常一爲首其李常一從前所供李茂法爲首之處因係避重就輕等語但查名例內開二人共犯罪有一人在逃現獲者稱逃者爲首無人証佐則決其從罪若犯罪事發而在逃衆証明白卽同獄成照原摺決之不須對問等語是從前拿獲李常一到案之時已有同夥之陳順林龔四王紹華等供証鑿鑿正與衆証明白之例相符今李常一等雖經正法而知情擬徒之王紹華現可拘訊乃該撫並不質對明確任聽李茂法等一面狡詞將該犯等依爲從例擬以絞決概行援 赦請免殊屬未協應令該撫另委賢員再行確審妥擬具題日再議乾隆五年八月內奉 旨部駁甚是依議

私鑄案內免死減等之犯發黑龍江爲奴

乾隆八年閏四月刑部會議覆太和縣民劉二璽等存留宋押等私鑄錢文一案據安撫喀 疏稱宋押同宋文敬宋四宋五韓麥李文樞張灼於乾隆四年十月內在河南沈邱縣崔欽家開爐私鑄崔欽因聞另案李三元私鑄事犯畏罪停歇宋押等攜帶底貨餘銅逃至阜陽縣浼郭老五馬明生向紀明亮詭稱被水淹沒借房暫住紀明亮應允乾隆四年十一月二十五日宋押宋文敬宋四宋五盛水韓麥李文樞張灼一共八人齊至紀明亮家聲言鑄錢紀明亮阻禁不住往尋馬明生朱遇而各犯即在紀明亮家內連夜搬土砌爐尚未鑄錢次日即被紀明亮之母探親歸家見而罵散二十八日宋押盛水黃昇劉殿韓麥五人又至太和縣劉二璽家時劉二璽外出向其母張氏借住空房許給房錢四百文張氏不知私鑄遂爾允從劉二璽於十二月初一日回家始猶阻撓繼即容留宋押等五人即於初

二日起爐因罐未乾用火烘烤炸破未經鑄成張灼後至俱於初四日走散劉二璽得受房錢二百五十文張灼亦得工錢十五文初五日宋押盛水韓麥三人復至劉二璽家冀圖私鑄被劉二璽以不吉利嚷散十五日劉二璽赴縣領糧未歸宋押又糾宋文敬宋四宋五韓麥張灼李文樞李黑等八人前至其家開爐私鑄宋文敬掌鉗看火宋四倒火宋五宋押韓麥打砂張灼刮砂又帶飯李文樞打襍李黑挑水間亦刮砂自十五日夜鑄起至十六日早止共鑄小私錢十八千劉二璽歸家得受房火錢共三百九十文張灼李黑各得受工錢三十文而散嗣經前任太和縣另案叅革知縣鄧元標訪知境內有私鑄之事差役發銀向馬明生賣出私鑄錢三千二百文拏獲馬明生到案供出錢係沈邱縣徐沒一忽買自崔欽案內之錢又據供出宋押等在劉二璽家私鑄情田隨拏獲劉二璽宋押二犯並在

劉二璽家內起獲鐵砂錢片銅屑等物訊供通詳關獲張灼到案又據阜陽縣知縣翟天朝訪知紀明亮家亦會容留宋押等私鑄拏獲紀明亮開解太和縣併續獲李黑到案屢審不諱將劉二璽擬絞立決并聲明該犯情有可原張灼李黑擬流紀明亮等擬徒脫逃之宋文敬宋四宋五韓麥盛水黃昇劉殿李文樞郭老五徐沒一忽等緝獲另結等因具題除宋押馬明生於取供後在監病故不議外劉二璽合依房主知私鑄而不拏獲舉首者照爲從絞決例擬絞立決再查例內拏獲私鑄務將各犯情由逐一審明照強盜例分別法所難宥及情有可原於院內聲明三法司詳加核覆將法所難宥者照例立決情有可原者請

旨改遣等語該撫疏稱劉二璽容留私鑄係伊母張氏無知誤留該犯事後知情並未在場目擊其所得房錢僅止數百情有可原等語查宋

押等初次至劉二璽家因錐破私鑄未成罪應滿徒二次宋押等復至其家希圖私鑄經劉二璽懷散並未容留無罪可科第三次宋押等至伊家中伊母留宋押等夜鑄私錢十八千劉二璽歸家得受房錢二百餘文是雖經三次實止一次情有可原但私鑄久經嚴禁容隱實干法紀若遽將劉二璽照尋常減等人犯問擬烟瘴內地又不足以示懲應將劉二璽照免死盜犯例僉妻發黑龍江等處給與披甲之人爲奴再查私鑄案內免死減等之犯原照強盜例辦理嗣於乾隆元年改爲充發烟瘴查烟瘴雖爲內遣最重而較之外遣猶輕有爲奴不爲奴之別私鑄案犯情罪重大且既照免死強盜例自不得與尋常外遣人犯同改烟瘴請嗣後私鑄案內情有可原免死減等之犯俱照此例僉妻發遣黑龍江等處給與披押之人爲奴如蒙俞允行文各省督撫一體遵行脫逃之宋文敬宋四宋五韓麥盛水黃昇

劉殿李文樞郭老五徐沒一忽等應令該撫嚴緝獲日審擬另結該撫既稱張灼李黑係計日受值僱與刮砂並非合夥分利之人均合依私鑄爲從原律杖一百流三千里紀明亮容留私鑄未成合依甫經置造私鑄器具尚未備錢房主知情不首照偽造印信未成爲從律杖一百徒三年例杖一百徒三年查張灼李黑係受僱帮工得錢無幾紀明亮本非有意容留私鑄且私鑄未成又未得受錢文均情有可原事在乾隆七年三月二十八日奉到

恩旨以前請將擬流之張灼李黑各減爲杖一百徒三年但張灼先於沈邱縣崔欽家私鑄案內經河南撫臣雅審擬滿流題准部覆俟劉一二璽紀明亮家私鑄各案審明從重歸結今此案張灼係援

恩旨減徒應仍歸彼案擬流完結將張灼李黑俱通解河南原籍分別僉遣充徒其擬徒之紀明亮請減爲杖一百折責發落劉一二璽之母張

氏年老龍鍾誤留私鑄並不知情且已罪坐伊子應免置議劉一二璽等名下所得賃雇錢文照追入官各犯並無同居親屬知情分贓劉一二璽之鄉保關一林隣佑王文臣訊非知情容隱均合依不知情例杖一百紀明亮之牌保紀明仁李太德隣佑紀明世紀明如失察容留私鑄亦有不合均合依不應輕律笞四十事在

恩旨以前杖笞各罪并邀寬免等語均應如該撫所題完結奉

旨依議

私鑄無字砂錢情罪不符駁

刑部爲訪拏私鑄小錢事會議得索一鼎等私鑄無字砂錢一案據湖撫晏將索一鼎劉然薛顯子羅仲元照爲首及匠人例擬斬監候并聲明薛顯子係偶爾聽從入夥並非久慣匠作且分利甚微羅仲元係學化銅鉛亦非鑄匠均屬情有可原可否未減聽候部議等

因其題前來查例載私鑄為首及匠人斬決為從及知情買使者絞決房主知情而不拏獲舉首者照為從例絞決至雍正十一年因立法太嚴為從中有合夥分利者亦有合夥而分利甚微者匠人中有掌爐鑄造者亦有磨銅等項聽人驅使者情罪各有重輕遂更定條例拏獲私鑄照強盜例分別法所難宥情有可原二項于疏內聲明三法司會同大學士覈覆將法所難宥者正法情有可原者改遣至有一種砂殼小錢並無年號字樣攙人制錢之內方可行使與私鑄制錢情罪迥殊所以乾隆六年定例為首及匠人擬斬監候例應絞決者改照免死減等例分別發遣改為滿流流以下減一等等以上各條例俱奏准遵行在案查私鑄砂錢原從私鑄制錢條例分別遞減而私鑄制錢例內止有斬絞等項罪名並無發遣之罪其乾隆六年例內所稱應發遣者滿流係指罪應立決因情有可原改為發遣者

而言也例有明文自應遵照辦理今此案係私鑄無字砂錢該撫將索一鼎劉然薛跟子羅仲元依為首及匠人例擬斬監候又聲明薛跟子羅仲元情有可原可否未減聽候部議等語查索一鼎為首起意劉然掌爐鑄造擬以斬候與例相符至薛跟子羅仲元若與法無可貸之匠人相合則擬以斬候洵不為枉何必法外原情聲請寬減若與情有可原之匠人相符乾隆六年例內應發遣者滿流該二犯應擬流又何得問擬斬罪量加未減且既以匠人定擬又聲稱薛跟子偶爾聽從人夥並非久慣匠作且分利甚微羅仲元學化銅舂亦非鑄匠等語既非匠人則薛跟子係分利甚微之從犯私制鑄錢例應情有可原免死發遣今係砂錢與應發遣者滿流之例相合羅仲元係知情容留之房主私鑄制錢當擬法無可貸罪應絞決今係砂錢與應絞決者發遣之例相符若照匠人例將該二犯概行擬斬概

行擬流又均屬不合此案供情錯雜律例未符從重從輕其情罪既未分明臣部碍難懸斷應令該撫再加詳審訊取確供按律妥擬具題到日再議乾隆八年七月十九日奉

旨依議

私鑄無字砂錢治罪

刑部爲稟報事會看得江撫塞 審題余集念四等聽從在逃之魏彩臣糾合私鑄無字砂殼小錢一案查乾隆六年定例嗣後將鑄無字砂殼小錢之犯爲首及匠人均擬斬監候其例應絞決者改爲免死減等分別發遣例應發遣者改爲滿流流罪以下依次遞減等語除應擬流罪之魏繼雲已干取供後解審病故并余集念四糾合許煥五私鑄未成輕罪不議外該撫既稱余集念四聽從魏彩臣夥全私鑄例應絞決係鑄無字砂殼小錢余集念四合依例應絞決者改

爲免死減等例發遣等語應如該撫所題余集念四照例發遣雲貴川廣烟瘴少輕地方交與地方官嚴加管束余宙十七余經念二黃捷十九卽黃立表俱係聽從余集念四轉糾合夥均未在場全鑄情有可原例應發遣係鑄無字砂殼小錢余宙十七余經念二黃捷十九卽黃立表均合依例應發遣者改爲滿流例應各杖一百僉妻流二千里至配所折責四十板該犯等俱無妻室俱應單身發遣魏有言受僱挑水打炭應照受僱挑水打炭者滿流係鑄無字砂殼小錢合依流罪以下遞減例應減一等杖一百徒三年得受銀一兩砂錢三百文照追入官許煥五雖聽從余集念四糾合意欲私鑄但因覓無本銀尚未鑄成合依方經置造私鑄器具尚未鑄錢全夥商謀之人均應僞造印信未成爲首例杖一百流三千里係商鑄無字砂殼小錢再減一等杖一百徒三年魏昆玉因向魏彩臣索逋目覩魏彩臣

等私鑄並不首報應比照全船之人知情不舉首例枷號一個月杖一百徒二年乾隆九年七月二十一日奉

旨依議

禁湖廣剪邊錢并定當鋪米市用錢數

戶部為遵

旨密議事會議得覆湖撫晏 條奏錢法一摺等因交出到部查錢文為民間日用之所必須如有弊端以碍錢法自應剔除以利民用但釐剔弊端務須酌量確寔情形經理得宜始于錢法民用兩有神益今該撫晏 奏稱制錢關係民用私行銷燬律例綦嚴乃有漁利好徒為制錢寬邊剪取銷燬造賣惟存錢心仍作一文使用取利甚厚以致制錢輪廓不完今掌獲剪邊犯人現在剪邊錢俱揀退不用者此時寔有可禁之端不便遲緩已經通行飭禁此外砂板錘扁古錢鉛

鐵等錢相機查禁等語查乾隆九年五月據該撫晏 奏請為砂板剪邊錘扁鉛錢古錢限三月內一切繳官給價康熙年間小制錢乎減其價臣等以該省通行係各色小錢若遽行收買誠恐錢價愈昂于兵民轉多未便應俟該省制錢充裕之後再將各色小錢作何定限收買并康熙年間小制錢如何分別行使之處妥議具奏到日再議在案今該撫既稱現在拿獲剪犯此時寔有可禁之端不便遲緩已經通行飭禁應如該撫所奏將該省剪邊錢文嚴行查拿不許行使至砂板錘扁鉛錢古錢等錢應仍照臣等原議俟該省制錢充裕之後再行定議查禁又查外省各當鋪質當錢文原以濟小民一時之緩急雖所當錢文無論多少均屬流通便民但自三五兩以至十餘兩二三十兩若准當錢則所當錢文為數甚多各當鋪必將錢文多收堆積而市上之錢日見其少錢價自昂轉于民用不便應如該

撫所請凡價在三五兩以上者至十餘兩三三兩者俱令當給本色銀兩取贖在二三兩以上者亦照本色銀交還至該撫奏請各當干之處查京城內外大小當舖存貯錢文業經酌申定數當止許存錢五百串小當只許存錢一百五十串倘多行囤積立即查拿治罪今若如該撫所奏勒令各當積錢十千以上即兌給錢鋪發賣誠恐零星當舖者多各當所存之錢不敷所當亦非便民之道外省各當舖散處城鄉小民零星當舖每日出入錢文多少無定稽查猶難應令該撫會同湖督將該省大小各當舖按照每日所當錢數之多少遵照京城查辦之例酌量存錢數目妥協辦理如有多餘錢文毋許堆積即令兌給錢鋪發賣違者查究又查各市鎮貨賣錢文最多者莫過于糧食一項凡遇秋成鄉民將各種雜糧俱載運市售舖店貨賣錢文運回不可數計斷不能全將日行行使或有不肖奸

商收買購賣以圖獲利或遠鄉僻壤之富民收存囤積俱干錢價有關今市鎮糶糴糧食自升斗至一二石需錢便用自應行用錢文如糶糴數石至數百石原可用銀交易不必用錢應如該撫所請漢口等市鎮買賣糧食三五石及四川湖南本省大小各船糶賣糧食者石斗以下准賣錢文餘俱用銀交易不許賣錢船過關汛除日用盤費外不許多載錢文仍嚴飭胥役人等毋得借端需索擾累商民乾隆十年二月二十四日奉

硃批奏內事情著鄂彌達晏斯盛妥協寔力爲之餘如議

私造鉛錢案內取保病故之犯應將擬何罪名聲明核議

刑部爲報獲私造鉛錢事看得王翰等私造鉛錢一案據福建巡撫周 疏稱王翰家貧難度與林大慶商議私造鉛錢隨買備鉛舂器具用泥板印成錢模造成鉛錢八千文中止乾隆八年二月間王翰

又至林大慶表弟何鎮鎮家誘令出本領造何鎮鎮應允措本造起
共造成鉛錢一十八千文又有林大慶堂兄林大達因在林大慶家
來往見王翰私造鉛錢學習得法亦于本年二月內自買鉛鋤器具
與妻舅王天福在家私造共造成鉛錢二千文屢審不諱查私造鉛
錢之案經議覆福建臬司王廷諍條奏嗣後如有夥黨鳩工大爐廣
鑄至十千以上者照原律擬絞外其鎔化些須鉛鋤造錢不及十千
者審明爲首及匠人亦照私鑄銅錢情有可原之例于疏內聲明請
旨發邊爲從及知情行使者依次遞減等因在案今王翰兩次私造鉛錢
共二十餘千應如該撫所題王翰合依私造鉛錢照私鑄銅錢原律
爲首者絞監候例應擬絞監後秋後處決何鎮鎮聽從王翰夥同私
造鉛錢一十八千合依爲從減一等例流三千里至配所杖一百折
責四十板王天福隨同林大達私造鉛錢二十文合依私造鉛錢不
及一千爲從遞減例應減一等徒三年至配所杖一百責折四十板
該撫旣稱監斃之林大達起意私造鉛錢僅止二千文應改擬遣等
語應將監斃遣犯林大達之閩縣典史宋之麟照例罰俸三個月至
此案內林大順該撫雖稱係患病取保在家身故毋庸開報職名等
語但查林大順係逸犯林大慶胞兄并與私造鉛錢之王翰同屋居
住有無同夥及應擬何罪名之處疏內並未聲明是否應禁不禁查
明到日再議等因于乾隆十年四月十七日奉

旨依議

冒頂故監照無官詐稱有官治罪

刑部懇恩詳明收籍等事乾隆二年十月間議覆據福撫郝咨稱
閩縣民陳而光冒領永安縣陳飛光故監並與伊子陳國鼎買故監
陳鍾芹執照捏結改籍一案緣陳敬超族兄陳鍾芹于康熙五十五

年捐監未經換照旋于六十一年身故伊子陳天吉將實收託陳敬超代繳詎陳敬超並未繳銷雍正五年賚帶至省寓同族閩縣民人陳而光家遂將陳鍾芹實收稱係已捐空監說合與陳而光之子陳國晶承買議價銀一百二十兩立有議約迨至雍正九年冬陳敬超代為換照被陳鍾芹之子陳大吉查知于十年正月間全至陳而光家捏稱陳太吉係換照之人令陳太吉立字得去換照銀二十兩又監生陳飛光亦非陳敬超同族陳飛光于雍正四年身故所遺監照伊子陳其友亦託陳敬超代繳陳敬超復向陳而光當銀六兩陳而光以飛字而字土音相同遇有官事即冒稱為監生各供照不諱陳敬超除質當陳飛光故照得贓銀六兩輕罪不議外合依詐欺官私取財計贓准竊盜論以一主為重併贓科罪計贓一百二十兩律應杖一百流三千里陳敬超與陳而光係同族親屬應照律減一等杖

一百徒三年陳太吉應照為從律杖九十徒二年半均免刺字陳而光除不知故監情由為子冒買陳鍾芹實收輕罪不議外其質當陳飛光監照混買監生應照無官詐稱有官有所求為律杖一百徒三年陳國晶年幼無知聽從父命應照一家共犯律免議陳敬超等均援赦免罪至該縣于陳鍾芹改籍時不行查明冒昧出結詳報咨部隨經該縣自行查出詳究例得免議等因前來據此應如該署撫所擬完結

入官家奴之子規避潛逃冒民得官治罪

刑部審明議奏事看得准內務府奏祖哲清入官家人吳尚仁之子吳國用並不完交伊父所欠泰銀復冒民得官一案查吳國用等之祖父吳三吳尚仁等俱係入官家奴充當官庄壯丁緣康熙五十三年吳國用自行叩

閣將家眷揪住熱河効力經內務府奏交管理熱河事務六品官張鼎臣等派撥差使詎該犯只將伊妻攜帶熱河並不安分當差所有家屬人口仍留住瀋陽嗣因伊父吳尚仁劄參獲罪正法拖欠銀兩希圖詭計規避于雍正二年間潛回京城開設客店復冒民籍私往固安縣頂名食糧補放把總避差抗欠詐冒得官均屬不法吳國用除不完官銀私自出境等輕罪不議外應將吳國用照監生火政升等假冒州同職銜效力河工發邊衛充軍例發邊衛充軍原係旗下家奴應咨送兵部酌發駐防兵丁為奴吳國用因壯丁舊檔久已圈銷無人管束是來京訪問伊兄吳國用下落尚無同謀詐冒情事今已罪坐伊兄應無庸議吳國用等名下應追伊父吳尚仁未完參二百餘兩應令該城將吳國用夥開客店本銀查追抵頂並行文奉天將軍熱河總管理事同知等處將吳國用現在供出之房地卽行變

交如不足數將吳國用等此外所有家產一併查追變價照數抵完欠項在逃之吳國輔行令奉天寧古塔等處將軍及直隸各省緝獲解部另結至吳國用冒稱民人當兵食糧補放把總該管各官均未查出解部亦應行文直督查明交與該部查議等因于乾隆四年四月初十日奉

旨依議

冒頂已革職銜部照赴選

刑部為據實檢舉等事看得張貴將已革未入流之謝秉彜捐照混請文結頂冒赴選一案據雲撫張疏稱緣張貴籍隸山東來滇買易投在永北同知江嶠縣署內為長隨向與在逃之謝陞卽謝秉彜相好謝秉彜入籍霑益州充當典吏雍正六年正月借張貴銀二百六十二兩捐納未入流卽用獲有實收尚存張貴換照緣謝陞拐伊

主銀兩潛逃換到部照張貴收存並不知謝秉燹職銜已經咨革乾隆三年張貴因借去銀兩無着希圖頂名冒選卽具呈起文又托同伴之尤通帶照赴部查驗經前司徐嘉賓查出謝秉燹先已咨革飭提張貴訊供詳明檢舉適尤通到京聞知謝秉燹咨革情由回滇投審覆訊不諱將張貴擬遣等因前來應如該撫所題張貴合依買他人起送赴考赴選之公文頂名赴部例應僉妻咨兵部發邊外爲民該撫旣稱尤通照不應重律杖八十熱審減一等折責先行發落等語應毋庸議可也乾隆五年 月內奉 旨依議

頂名赴選已經引 見受職卽照律治罪 而 乾隆七年十一月吏部尚書果毅公訥 等奏送梁正中購買嚴堂執照頂名銓選一案經本部會同院寺審據梁正中供我係廣東番禺縣人今年三十六歲上年二月內到京賣藥生理遇見嚴祚敬與他認識相好後叙閑話嚴祚敬說他是捐納知縣名叫嚴堂如今家中艱苦不想做官要將執照煩我替他典賣幾兩銀子使用隨將執照交給與我我替他押銀八兩他說銀子甚少我說我要做這事隨問他要多少銀子他要一千兩銀子後講定八百兩還許日後照看他纔依允了我陸續給過嚴祚敬銀二百五十兩後在茶館內遇見原在兵部當書辦的紹興府山陰縣人陳三鬍子卽陳岐山因叙閑話我向他說我係捐納知縣如今要赴部投供銓選不認識吏部的人陳三鬍子隨與吏部書辦王瀛上商議煩他照應隨引了我去與王瀛上相見當面講定給銀五百兩後寫欠票時王瀛上說不設各衙門使費又添寫銀一百六十兩我兩次給了王瀛上銀九十七兩下欠的銀子原許到任後給他王瀛上替我取了同鄉京官戶部江

刑案續編 卷三十 詐僞 三

西司額外主事李居臨的印結我又給王瀛上銀十二兩因無赴選文書我向宛平縣吏房書辦紹興府人張東臯央他出赴選文結及順天府文書共講定銀一百六十兩當給銀一百二十兩下剩四十兩許下領憑後給完後赴選文書到部于十二月初一日過堂投供十二月選授陝西平羅縣知縣今年正月十九日引

見的至嚴祚敬的父親病故我陸續給了嚴祚敬的姪兒嚴嵩級銀五百兩所有買執照及使費銀子都是向舊時認識的親友們借來的至二月內吏科不准領憑轉行查就敗露了再當日取赴選文結時我曾對張東臯說明我係廣東人寄籍在宛平縣今要左右隣甘結實實不能是以凡取結併順天府文書俱央張東臯包辦他們如何取結及府縣文書有無別人同辦我並不知道我給銀之時宛平縣知縣實不知情我亦並未求過文選司官員至互結係臨過堂時彼

此畫押並無賄囑知情等語查例內凡賈他人起送赴選公文頂名赴部若已受職比依詐假官律處斬等語今梁正中購買嚴堂捐納執照頂名赴部選授知縣已經引

見受職應照詐假官律擬斬監候秋後處決梁正中寫給王瀛上合同內銀六百六十兩除已經給付銀九十七兩其餘銀五百六十二兩應行文廣東巡撫在于梁正中家屬名下照追入官奉

旨梁正中依擬應斬着監候秋後處決餘依議

捕役借名拏賭嚇詐比照詐充差役擾民例擬軍

刑部泣償姪命事會看得松溪縣捕役陳德等誣拿賭博打傷張四妹溺水身死一案據調任福建巡撫盧 疏稱原松溪縣知縣李元臯將陳德等審非衙役鄒一郎等實係賭博將陳德等分別議擬軍徒鄒一郎等照賭飲食例擬杖招解經臣駭飭司府審出前情除將

李元臯徇庇惡役現視人命題奉准到部覆革職外將陳德擬絞監候金喜仔許祥擬軍枷責葉登先擬杖等因前來應如該撫所題陳德合依鬪毆殺大者不問手足他物金刃並絞監候律應擬絞監候秋後處決金喜仔起意借名拿賭同許祥拴縛平人嚇詐得錢俵分應將金喜仔許祥均比照詐究各衙門人役假以差遣體訪事情緝捕盜賊爲由妄拿平人嚇取財物擾害軍民者除實犯死罪外徒罪以上枷號一個月發邊衛充軍例各枷號一個月分別食妻發邊衛充軍至配所杖一百各折責囚寸板仍照雍正十一年六月內大學士張廷玉條奏律例無可引用援引別條比附者應于疏內聲明奏請

定奪該撫既稱葉登先因恐于本官處分敕令陳德供作民人應照不應重律杖八十革役已經先行折責發落等因乾隆四年四月初七日

奉

旨陳德依擬應絞着監候秋後處決餘依議

假充哨船搶奪照詐充衙門人役妄拿取財擬軍改刑部報明假哨盜劫等事會議得同安縣民陳淵等假充哨船嚇詐搬搶長樂縣商船戶林明禮財物一案據福建巡撫周疏稱查陳淵等歷訊矢供委係假扮哨船希圖販私嚇詐並無預謀行劫亦未執持兇械傷人較之搶奪奸詭持甚較之強劫情形有差應照律例無可引用比照某律加減之例將陳淵照例擬遣陳韜等擬流陳肅擬徒等因前來查律例內果無可引用原可援引比擬但此案陳淵與陳韜等假扮哨船希圖販私嚇詐適遇林明禮船隻陳淵粧作營兵陳疊手執鉄鍊過船盤查嚇其不應違禁夜行將林明禮等鎖押盤詰暗令陳韜等將林明禮船內銀衣等物搬搶而散該撫既經質

審明確例內原有詐充各衙門人役假以差遣緝捕為由妄拏平人嚇取財物擾害軍民者徒罪以上枷號一個月發邊衛充軍之條正與此案情節脗合未便捨現行定例別請遣流不應如該撫所請完結應將為首起意假哨搶奪該犯徒罪以上之陳淵並為從搶奪亦該犯徒罪以上之陳韜陳媽陳肅陳景陳登高綬均照例各枷號一個月滿日俱僉妻發邊衛充軍至配所各杖一百折責四十板陳肅係自行投首合依知人欲告而自首減罪二等律杖九十徒二年半該撫既稱陳淵高綬二犯又經越獄應于彼案審明從重歸結陳淵等私造小船並未呈縣給照該撫既稱係同安縣知縣李芬自行訪出隨經獲盜應邀免議等語應毋庸議等因乾隆九年三月十四日奉

旨依議

以父名捏稱故弟圖賴應追借欠銀兩

附部議錯誤議處

刑部為特奏欺 君戚親之劣員等事看得參革候補同知王佩璉欺 君戚親一案據原署江督那 疏稱訊據王佩璉供原在京時因父王寧園契交沈竹雍正二年十二月內遷授寧夏同知出京伊父與伊弟王渭因而攬捐立票抵欠沈竹銀一千三百兩究係王佩璉之父所欠伊父初次具呈已不認寧園之名于是父子相商命其將寧園之號推為故弟之名王佩璉亦慮借欠銀兩未能邀免冒昧聽從等情經前署臣張 駁令確實擬議去後嗣據該司等覆稱查王寧園具呈在先王佩璉不便証父之非故有王寧園係故弟王渭之語究非咒罵伊父之實事未便律同毀罵咒咀之重與查以故弟冒認父名者律無正條比引無喪詐稱有喪問擬本條稱有規避者從重論王佩璉以生父捏為故弟規避行查借欠應照入官家產隱

瞞律罪止滿杖又律載之罪俱發各等者從一科斷應將王佩璉依
無喪詐稱有喪律杖一百罷職不叙等因具題前來應如該督所題
王佩璉合依父在現在無喪稱有喪律杖一百時逢熱審減一等杖
九十仍照例入拆發落係犯不孝不准納贖罷職不叙該督既稱王
寧園借欠沈竹銀兩應否豁免聽候部議等語查王佩璉之父王寧
園應追入官銀二千二百兩王佩璉回籍遂將父號指為故弟之名
並具甘結顯係巧詐欺誣圖賴國帑與尋常開欠不同應將王佩璉
應追銀兩照數勒追完報其從前任聽王佩璉巧詐捏飾據結混詳
之地方官應令該督查明到日另議可也乾隆五年閏六月奉

旨依議

又

刑部為遵

旨查奏事會議得據江督尹

奏稱准刑部尚書張

奏稱先據蘇撫許

特奏原任同知王佩璉之父王寧園借欠沈竹銀兩王佩璉捏稱
係伊故弟王渭等因發審嗣據江督郝 將王佩璉比照無喪詐稱
有喪律杖一百經臣部照議完結並議該督疏稱此案係隱瞞入官
之贓與尋常開欠不同自應勒追覆准在案今據王佩璉家屬王順
呈稱此案部議應追之語係前署督之駁文至原題業將應免情由
聲明伏乞查案等語臣細閱全案果在前署督駁審牌內臣隨詢問
該司據稱此案陞任郎中馬訶生郎欲以子罵父母律擬絞滿漢司
官不依改為照覆之稿其前項語句職等誤以亦在疏內遂爾依隨
馬訶生是實等語查臣部陞任郎中馬訶生檢出駁詰之文指為具
題之語朦混堂司顯係稟應外合查此案係乾隆五年六月初二日
定稿臣于是日到任隨衆畫題各堂官俱經離任惟臣在部不敢不

行檢舉伏乞

皇上將臣等並應議堂司交部察議並請將此案交與該督詳查等因素旨着交尹繼善查明具奏欽此臣檢查全案王寧園之不認已名實具呈于王佩璉未到案之先至稱王寧園為故弟王渭者雖出佩璉之口實從伊父之命而原題律佩璉以無喪詐稱有喪亦屬不符除王寧園身故外王佩璉應照不應重律杖八十又查前督郝 題看內寔止聲明王寧園所欠銀兩應否豁免聽候部議當日援引案內駁語不准豁免誠屬過當今查王寧園名下係開欠之項原屬應追應聽刑部查奏等因具題前來應如該督所擬將王佩璉照不應重律杖八十但並未將錯誤罪名及原奉革職之處一併議及則王佩璉應得杖罪應否納贖及交部議處之處不便遽議應令該督分別辦理其寧園所借沈竹銀二千三百兩該督既稱不便因其推卸仍舊勒

追等語相應照例請

旨豁免至江蘇司郎中馬訶生輒將案內駁語下司之文定議殊屬不合查律內上書及奏事錯誤當言原免而言不免杖六十又定例官員犯私罪杖六十者降一級等語應將前任郎中馬訶生合陞平越府知府降一級調用有紀錄四次應銷去紀錄四次免其降調再查此案因王順具呈到部不便照檢舉例查議應將不行詳查之員外郎阿林員外郎今陞御史王綱振均照例罰俸一年刑部尚書補授閩浙總督那蘇圖陞仕太學士史貽直左侍郎陞任兵部尚書王安國右侍郎陞任刑部尚書張照均照不行詳查遠為轉報例各罰俸六個月阿林王綱振各銷去紀錄二次抵罰俸一年那蘇圖史貽直王安國應各銷去紀錄一次抵罰俸六個月均免其罰俸可也乾隆九年三月二十四日奉

旨依議此案係張照自行檢舉條奏着從寬免其罰俸王綱振着銷去紀錄二次那蘇圖史貽直王國安着銷去紀錄一次俱免其罰俸

盜用印信冒支多贓從重北擬

刑部爲咨送事會看得續獲鑾儀衛經承胡範同先獲貼書姚黃盜用印信冒領銀兩一案緣胡範充當鑾儀衛經承乾隆十一年二月內有本衛出哨校尉應行補領二日路費銀共三十七兩九錢胡範因窮苦不過起意冒領隨私寫咨文盜用堂印到戶部冒領入已又于十二月內冒領新挑請贍校尉補支錢糧七兩又于十二年二月內冒領往盤山預備校尉路費銀二十九兩三月內從盤山回京又冒領補支路費三十二兩七月內因往五臺去又冒領校尉銀一百五十六兩以上冒領銀兩姚黃均未知情至十三年正月內胡範偕往山東名色多領山步輿校尉路費銀二百二十四兩當被貼寫姚黃

詢知情由隨分得銀十兩至六月內戶部行查此項有無剩繳之處胡範復商同姚黃將空白印紙填寫並無餘剩文書咨覆戶部完結其每次領銀俱結戶部貼寫陳萬鍾吳雲嶠銀各一百兩不等以作紙筆之費囑其上緊辦理至七月內新挑校尉二百三十一名應補支錢糧一百一十三兩零胡範復令姚黃寫就咨文領狀盜用印信胡範自赴戶部支領適被本衛前所官楊澤聞知查究胡範畏罪脫逃當據鑾儀衛先將貼寫姚黃咨部審訊供出前情臣等會同法司先將姚黃定擬絞罪奏明監候待質在案續于乾隆十三年十二月十九日准暫行署理步軍統領事務信勇公哈達哈等將首犯胡範拿獲奏交臣部審擬當卽嚴加刑訊自行供認復與先獲之姚黃等質審無異經臣部以胡範冒支銀五百兩零若按律以監守盜論罪止雜犯斬准徒五年其屢次盜用印信寔屬情重亦不便以盜用其餘

衙門問擬杖徒將吳範姚黃均北依詐偽六部等衙門文書盜用信印不分首從皆絞律絞監候並聲明俟開印後照例會同法司改本具題等因具奏奉

旨依議欽遵在案查律內詐偽六部都察院衙門將軍督撫提鎮守禦緊要隘口衙門文書盜用印信及將空紙用印皆監候絞其餘衙門杖一百徒三年又例載情犯深重者聽臨時查照比依具奏請

旨定奪各等語今盜儀衛經承胡範盜用印信冒領校尉路費等項銀五百餘兩其姚黃分贓贖銀五十兩但內有兩次盜用印信係為從知情均屬情犯深重應將胡範姚黃均比依詐偽六部等衙門文書盜用印信皆絞律擬絞監後秋後處決至戶部貼書陳萬鍾等審無通同冒領情事先經臣部擬杖照例先行發落毋庸再議再胡範冒領銀五百餘兩業經戶部會同盜儀衛奏明在于兩衙門堂官名下照數

分賠等因奉

旨胡範姚黃具依擬應絞監候秋後處決餘依議乾隆十四年二月邸抄

盜賣兵部火牌沿途冒領車輛從重定擬刑部為遵

旨審擬事該臣等會看得准暫署步軍統領事務戶部左侍郎兆惠等咨送盜賣部票冒領車輛之朱君謨併直督方獲解案犯張子文等陸續到部審據該犯等供認不諱查律載枉法贓八十兩絞監候又詐傳

詔旨者斬監候又例內偽造諸衙門印信事關軍機冒支錢糧大于法紀者俱擬斬立決各等語臣等伏思兵部用印火牌動關軍機錢糧乃朱君謨敢捏造奉

旨駐防寧夏壯丁名色盜給火牌婪受多贓張子文董談九屢次賄賣火

牌沿途誑騙錢糧行同光棍均屬大干法紀非尋常計贓定罪者可
比應將朱君謨張子文董談九二犯俱照偽造印信事關軍機冒支
錢糧大干法紀例擬斬立決朱君謨係書吏犯法情罪重大復縱放
從犯厲芳于希圖狡卸已罪匿贓肥橐尤當嚴懲應將該犯及妻俞
氏子朱芳苞朱芳萊俱充發黑龍江安插該犯所得贓銀除將該犯
在京封貯什物變價入官外仍行文原籍地方官將家產變追厲方
于係朱君謨名下貼寫本案從犯又經投首應照朱君謨之罪減一
等杖一百流三千里李廷棟審無通同行賄買票情事其跟隨張子
文沿途冒支軍輜口許虛贖尚未八手亦應照張子文之罪減一等
杖一百流三千里張子文僱工杜三娃子李廷棟僱工吳進孝驟天
楊筆審係受價短雇並非同夥但知係假冒不行首告殊屬不合應
將杜三娃子吳進孝楊筆均照不應重律杖八十折責二十板張士

貴審不知情其違禁取利應照贓論杖一百年逾七十照例收贖伊
子張榮先除違禁取利已罪坐伊父其因見張子文拿獲教令伊父
毀票滅跡殊屬不合應照不應重律杖八十折責二十板至兵部大
牌關係緊要未便填用空白交書吏經手致起弊端嗣後作何嚴密
防範之處應交兵部辦理其兵部失察書吏得贓盜賣火牌及不行
管押厲方干以致脫逃應議之堂司各官交與吏部照例分別議處
至沿途不行詳查濫應車輛銀兩除不准銷算外其濫應及失察各
官行文各該督撫查叅到日交與吏部議處起獲張子文等名下銀
兩及衣物變價均照例入官未獲贓銀仍于各犯名下的屬照追入
官可也乾隆十七年四月十六日題本日奉

旨朱君謨張子文董談九俱着卽處斬餘依議乾隆十七年四月卽抄
被誘代刻假印止就所得銀兩計贓問擬

刑部議覆蘓撫徐題元和縣盛聖益賄倩周森茂雕刻假印偽造公文誣騙王瑞公銀兩一案緣盛聖益曾充藩司清書與瑞公熟職瑞公因控族叔冒膺孝行問擬枷責誤認聖益尚在司署向商免罪之法聖益乘機誣騙有藩幕門路出銀四十兩即可保准提人得免發落瑞公止許八折言定專成交銀當將狀稿付與聖益料理聖益卽在藩司告示上挖取印信描下模樣先將漢文半面攜至刻字店顧朱氏雕刻朱氏不識篆文將銀四分當卽刻給聖益又尋刻圖章之周森茂先令代寫節孝匾字隨稱匾須用司印漢文已刻須刻清文半面付銀八錢森茂被誘刻給聖益遂將狀稿叙情備寫司牌官封鈐蓋假印行縣提犯詭稱司署發出令瑞公投縣瑞公卽隨領取縣詳交與聖益聖益因向索銀瑞公持銀詢問募反欲同面交聖遂央伊戚陸貽周認作幕賓面同收銀維時聖益欲將縣批印發因

假印已燬復倩森茂再刻森茂推卸聖益告知前刻半面乃係假票提人若不再刻事破連累當付銀六錢刻就又找銀二兩六錢聖益擬就批語并帶縣詳用假印鈐蓋向舖司李孝詭稱司吏欲賫此文赴縣李孝將文交給聖益換開公文將封面一字洗改二字添入假印詳批交付送縣復將假印銷燬據該縣韓相查明文封洗改察出偽造情弊稟司拿獲聖益周森茂等起出印益戳記移提王瑞公等到案屢審不諱將周森茂依誣騙財數多例擬斬監候盛聖益依爲從擬流王瑞公擬徒陸貽周等擬杖具題前來查例內偽造諸衙門印信非開軍機錢糧假官等弊止圖誣騙財物爲數多者俱照律擬斬監候爲從杖一百流三千里若誣騙財物爲數無多銀不及十兩錢不及十千爲首雕刻者杖一百流三千里爲從知情行用者各減一等又名例載若共犯罪而首從罪名各別者各依本條首從論等

語今該撫疏稱盛聖益先令周森茂代寫匾字詭稱需用司印煩其代刻清文森茂被誘刻給旋因銷燬復倩森茂再為雕刻森茂不允聖益告知前刻半印乃係假票提人若不再刻事破連累森茂允刻先後僅得銀四兩等語查森茂先後代刻假印皆係聖益詭詞誘騙並未同謀誑騙瑞公銀兩亦未知詐銀情由雖為造印信應坐雕刻之人為首但周森茂止得銀四兩餘自應計贓問擬而盛聖益行使假印先後得銀三十八兩與周森茂首從本罪各別應各依本條首從科罪周森茂不應如該撫所題擬斬監候合改依偽造印信誑騙財物銀不及十兩錢不及十千為首者杖一百流三千里應僉妻流三千里至配所折責四十板盛聖益原充藩司衙門清書不應如該撫所請杖流完結應照雍正十一年五月內凡內外大小各衙門吏役偽造本官印信誑騙財物倩人雕刻銀十兩以外俱發遣黑龍江

仍照例刺字僉妻以發雲貴川廣烟瘴少輕地方交與地方官嚴加管束該撫既稱王瑞公不知假印假牌除出銀賄托輕罪不議外合依以財行求與受財人同科計贓三十兩無祿人減一等杖七十徒一年半冒充內幕收銀轉付之陸貽周除得受線緞計贓輕罪不議外合依詐欺官私取財准竊盜論三十兩杖九十律應杖九十折責三十五板免刺私相授受公文之舖司李孝應照舖兵沉匿公文一角律杖六十訊未得財免其革役顧朱氏係女流無知被哄應毋庸議等語均應如該撫所題完結各犯名下所得贓銀照追人官等因

乾隆六年四月 日奉

旨依議

受僱代刻假印止就所得工銀贓數定擬

刑部為訪獲假印侵課事會着得華亭縣沈吉士等侵蝕課銀周遠

石雕刻假印一案據原署蘓撫安 疏稱緣沈吉士與在逃姚謙吉
均充華亭縣鹽課經承與袁浦場在逃之銀匠方朱生素相交好因
已故場員池上鳳凡解銀兩俱係方朱生預領傾鑄至期繳解以致
沈吉士等通同借用迨至解期那後補前虧空累百餘金嗣池上鳳
解餉郵事各項俱須清理沈吉士等所侵銀兩亦即借清補還因私
倩迨迫正無設措適乾隆八年十二月內值華令郭岡差沈吉士賫
解八年分場課銀四百七十七兩九錢零沈吉士即那還欠項迨郭
岡催繳批收沈吉士等乏銀補解起意偽造假印批收掩飾稔知在
家寫冊之周遠石善刻圖書遂向跪云遺失批收跪刻假印周遠石
始辭終允沈吉士付錢四十文令買圖書石當付與鹽道印票周遠
石照樣刻成道印沈吉士蓋用原批庫收之上令其磨去復刻鹽院
篆文印半顆用完亦令磨去沈吉士又屬方朱生向不知姓名刻字

攤上刊刻長木戳記鈐于批上將戳焚燬呈縣備案沈吉士又因此
項銀兩終須補解復覓舊印文給周遠石照刻華亭縣印領用空白
文批亦囑磨毀當送附銀六錢周遠石將印攜回私用空白契紙三
張始行磨滅至乾隆九年五月郭岡復令沈吉士起解九年分場課
銀三百七十八兩二錢零沈吉士將批內九字改爲八字以作八年
批解掣有批收仍改正九字繳驗九月內沈吉士設措銀八十一兩
零填入假印空白批文起解掣有批收各犯共侵八九兩年課項銀
三百九十六兩八錢零內姚謙吉用銀一百兩方朱生用銀六十兩
八錢零餘銀二百二十兩俱係沈吉士侵用乾隆九年十一月內周
遠石至已故婁縣清書楊瑞其家探望時瑞其出外見伊書架上有
婁縣廢印票一張因聞婁縣胡且體調任郵事輒思假印稅契將票
竊回用前刻印之石刻成婁縣印信因無熟人未曾行用經華婁二

縣訪聞差拘并據周遠石赴華邑投首訊供起獲假印雕刀并經華邑查出沈吉士等侵蝕乾隆七年分課銀將四五兩年柴價盈餘銀二百三十二兩二錢零以八十兩補足正課餘銀五十二兩零沈吉士與方朱生分用方朱生用硃油描摹華邑印信偽造回照節經研審各犯供認前情不諱查偽造印信例以雕刻爲首係夥同誑冒仍坐其罪今沈吉士侵蝕夥銀周遠石並不知情止得工銀六錢應就所得賍數定擬沈吉士雖非私行雕刻但侵用錢糧銀人偽刻仍宜科以重罪將沈吉士依例擬絞監候周遠石等擬以杖徒等因具題前來查例載各衙門吏役偽造本官印信誑騙財物情人雕刻銀數至五十兩以上擬絞監候等語今查沈吉士與姚謙言方朱生等通同侵用課銀迫之至解期遂那後補前以致起意偽造假印收希圖掩飾令周遠石照刻本官縣印預用空白文批私填銀數補解寔係起意情人雕刻之犯與該署撫所擬偽造諸衙門印信冒支錢糧爲從擬絞之例不符應將沈吉士改依各衙門吏役偽造本官印信情人雕刻誑騙財物數至五十兩以上擬絞監候例應擬絞監候秋後處決續據該署撫題報該犯于乾隆十二年六月初九日在監病故應毋庸議該撫既稱周遠石除雕刻粵縣印信未經得財輕罪不議外應照誑騙財爲數無多銀不及十兩爲首雕刻者杖一百流二千里例應杖一百流二千里係聞拿投首應照知人欲告而自首者減罪二等律杖九十徒二年半場書徐文表合依錢糧失于覺察者減三等罪止杖一百各犯事發羈禁在乾隆十一年正月初三日

恩旨以前除絞犯沈吉士毋庸援減外周遠石徒罪應減爲杖九十折責發落徐文表杖罪寬免仍革役沈吉士等侵蝕課銀已據各家屬變

產完解沈吉士等侵蝕柴價銀兩并周遠石所得工銀六錢均照追繳解逸犯方朱生等緝獲另結假印銷燬此收存卷等語應如該撫所題完結等因乾隆十三年十一月初六日題本日奉

旨依議

假印發覺雖州縣自行審詳仍照失察例降調

吏部爲查獲私雕假印事該臣等議得先經刑部咨稱原任湖撫楊以湘鄉縣民王萬本等私雕假印一案緣萬本與何秉彝均係已革縣書比門而居秉彝至萬本家閑談道及窮苦萬本起意雕刻假印騙銀使用秉彝允從萬本即將原格印票作模刻成假印後因無人印契遂同秉彝捏寫假契蓋用假印持向王西軒押銀三兩應用又有郭輝先等央秉彝領照入川秉彝隨與萬本捏寫假照蓋用假印三次得銀三兩九錢分用旋准貴督咨查有照入川之郭輝先等九

戶西軒亦卽赴縣稟究經縣查出通詳飭審此案係張令自行審出失察職名邀免開送原咨送吏部議等因臣等查該犯王萬本等私雕假印捏寫假照蓋用假印給與郭輝先等入川經過黔省復經貴州總督行查該縣始知私雕情弊是該犯等私雕假印業已發覺並非該縣自行訪出即便免議應移咨該撫將失察職名查明補奏到日再議去後今于乾隆十四年三月十九日據湖撫開咨稱查失察假印職名前陞任湘鄉縣知縣張天如任內之事但張令止係奉准貴督行查郭輝先等各戶原籍地方官曾否給照未奉分別真偽亦未開明給照年月與起程日期卽王西軒收受假契當給銀兩亦止赴縣控追契價並不呈明假印情事王萬本起意雕刻假印與何秉彝捏照蓋印詎騙財物分給郭輝先等各緣由均係張令審出是情通詳是此案雖先奉貴督咨查其時領照入川之郭輝先等並不

知情向未發覺均係張令自行查出職名似應邀原議免開等因前來查此案該撫雖稱先奉貴督咨查其時領照入川之郭輝先等並不知情尚未發覺均係張令審出似應邀免等語但該犯王萬本等私雕假印蓋用假契持向王西軒誣騙押銀嗣又蓋用假照給與郭輝先等入川是該犯之假印久經雕刻屢騙銀兩該縣從前並未查出迨經貴督咨查又據王西軒赴縣稟究事已發覺該縣始行拘犯審出並非自行訪聞例應議處不便免議應將失察私雕假印之前任湘鄉縣知縣今陞永順府同知張天如照例于本任內降一級調用可也奉

旨依議其因失察私雕假印議以降調之張天如着該撫出具考語送部引見再降諭旨乾隆十四年五月邸抄

父子私造鉛錢依一家人共犯止坐尊長免議

刑部為訪拿訊詳事會看得吳升遠私造鉛錢一案據浙撫常疏稱緣吳升遠原藉餘姚遷居海寧貧難度日起意私鑄鉛錢于乾隆十一年五月二十日用水板匣填放沙泥以制錢印成式樣鎔鉛灌入擇其形似錢文者將黃栢煎水煮黃希圖行使有工人費大錢幫同煽火打磨至六月十三日費大義得受工價制錢三百四十文隨別往傭工吳升遠令伊子吳廷元相幫先後共鑄鉛錢三千九百四十文因欠倪大高棉花錢一千二百文屢次催討吳升遠即將鉛錢三千文抵押倪大高冀其取贖亦即收下餘存鉛錢未及行使旋經海寧縣訪拿屢番供認不諱將吳升遠依例擬遣費大義等擬以杖徒等因具題前來查乾隆九年十二月內臣部議覆原署福建按察使王廷諍條奏夥黨鳩工大爐廣鑄鉛錢十千以上者照私鑄銅錢原例擬絞監候外其餘化此須鉛筋造錢不及十千者審明為首及

匠人照私鑄銅錢情有可原例于疏內聲明請

旨發遣爲從及知情行使者依欲遞減等因奏准通行在案今吳聲遠既經該撫審明鎔化些須鉛觔造錢不及十千與情有可原之例相符應如該撫所題吳升遠照私鑄鉛錢不及十千爲首請

旨發遣例應請

旨發遣倘蒙

俞允臣部行文該撫將爲首之吳升遠發雲貴川廣烟瘴少輕地方查明妻室發遣該撫疏稱費大義吳廷元帮同煽火磨錢均應照爲從遞減一等例杖一百徒三年但查吳廷元係迫于父命而同居之子知情不首並無治罪明文可否仍照一家人共犯止坐尊長律免議聽候部示等語查律內父母有罪相爲容隱者勿論又律內共犯罪者以造意一人爲首隨從者減一等若一家共犯止坐尊長侵損于人

者以凡人首從論各等語吳廷元聽從伊父吳升遠煽火磨錢並非侵損于人自不得以凡人首從論其知情不首係子爲父隱律得勿論吳廷元應照律免議費大義仍照例杖一百徒三年至配所折責四十板該撫既稱倪大高明知鉛錢收存抵押訊非寄頓販賣合依不應重律杖八十折責三十板隣佑總保俱不知情照律不坐吳升遠訊無同居父兄伯叔與弟知情分利應毋庸議費大義所得工錢三百四十五文照追入官起獲私鑄器具鉛觔鉛錢銷變充公等語均應如該撫所題完結再該撫疏稱此案係海寧縣知縣王緯自行訪拿毋庸議等語查定例私鑄錢文地方官但能拿獲者不論年月遠近俱免其處分等語今此案私造鉛錢既係該縣王緯自行訪拿應照例免其處分等因乾隆十二年十二月初十日題十一日奉

旨依議

私鑄拒捕先行正法杖斃

廣撫岳 奏為私鑄拒捕奸民已經審結恭摺奏明仰祈

聖鑒事切照增城縣水南村民糾夥私鑄錢文及至查拿復敢聚眾抗官拒捕經臣訪聞當卽密差該府同右營遊擊王文星赴村會同增城營叅將舒明阿設法嚴拿陸續拘拿各犯起出私鑄器具一面將獲犯辦理緣由恭摺奏明在案奉

硃批另有諭旨并接准大學士等字寄欽奉

上諭命臣作速嚴究加意妥協辦理毋得稍有寬縱等因欽此臣隨欽遵飭司嚴究為首拒捕及私鑄各情并根追銅從何來有無銷燬制錢私鑄輕薄小錢情弊據按察使吳 會同布政使赫春得謝德恭與謝文宗等居址同村本年初六日德恭至謝國瑞家閑談會苦起意私鑄復糾謝文宗謝瑞宗謝亞能謝應科謝紹表謝錫南各湊

本銀入夥分利謝德恭隨與謝國瑞製造錢模砌碓爐具謝應科謝錫南貨買銅鉛雇覓帮工于三月十六日夜私鑄起至二十三日止鑄出銅錢一十二千文比前任叅革知縣陳綏來行有風聞未經查實又不出票差拿乃違例混遣家人帶同縣役前往該村而該家人又不諳事理不分良歹搜檢查至謝德恭家搜出私鑄器具拿獲三犯押帶下船詎謝文宗遂起意為首拒捕喚同謝瑞宗謝亞能謝應科多人出與爭鬧文宗棍傷練總惡能等捆縛縣差挑回私鑄器具放走已獲人犯二十七日該縣陳綏來親往查拿謝瑞宗復倡意拒捕糾同謝文宗謝啓秋謝明瓚等多人出村攔阻謝啓秋執持挑刀砍傷練總謝明瓚用棍打傷縣差旋即避匿囑令一班婦女出頭見官混行抵賴以致該縣陳綏來窘迫束手潛赴省城復經飛委文武各員拿獲各犯逐加研訊供出私鑄拒捕毆差及囑令婦女混賴各

實情直認不諱惟嚴究私銷堅供實係買銅私鑄並無銷燬分別按擬招解前來臣復加嚴審悉與司招無異查謝文宗謝瑞宗夥屬私鑄復敢先後倡首兩次拒捕抗官毆差甚屬不法殊非尋常拒捕可比若僅照私鑄爲從拒捕科斷而邊海刁民勤輒抗官無以示儆謝文宗謝瑞宗應如司擬合依光棍爲首斬決例擬斬立決仍欽遵

諭旨若其罪本至斬卽一面具題一面卽行正法謝亞能謝應科既已合夥私鑄復敢下手拒捕捆差謝啓秋謝明瓚雖未私鑄但隨同相濟之犯若依光棍爲從擬絞監候轉致事過遷延不足以昭炯戒亦應如該司所擬照奸民例卽行杖斃業經臣飭司遵照將謝文宗等六犯解回該縣押赴市曹當衆曉諭卽行分別正法杖斃俾邊海重地頑梗刁徒共知警惕從此愚氓不敢輕捍憲綱則懲一儆衆所全實多至未會拒捕之謝德恭起意私鑄與掌爐之謝國瑞俱依私鑄爲

首例擬斬監候謝錫南謝紹表爲從擬遣俟查僉妻室卽行解部發遣其餘雇工黃亞俊等及案內各犯分別杖徒援減卽行辦理訖惟是拒捕奸民已經正法杖斃而私鑄案遣犯本應候部議覆但荷蒙

訓諭私鑄各犯亦應按律審擬一面具題一面辦理是以臣敬謹稟遵除爲首擬斬之謝德恭謝國瑞牢固監禁仍候部覆外其擬遣杖徒各犯亦卽僉妻發落合并呈明除全招議擬會同督臣碩 繕疏具題外所有欽遵

諭旨嚴審究結理緣由理合恭摺奏明伏乞 皇上聖鑒勅部照覆施行謹 奏奉

旨該部知道欽此乾隆十四年十月卅抄
私鑄鉛錢係保正稟報拿究不恣照自行查出免議

刑部爲訪獲私鑄鉛錢人犯事會議得倪湘元等私鑄鉛錢一案據署蘇撫雅 將倪湘元依律擬絞洪佩揚何天慶擬流並聲明倪湘元係鑄化些須鉛筋鑄錢不及十千並非夥黨鳩工大爐廣鑄其可原等因具題前來如該撫所題倪湘元應照私鑄鉛錢情有可原例請

旨會妻發黑龍江等處給披甲人爲奴爲從之洪佩揚何天慶俱依次遞減各杖一百徒三年再該署撫疏稱倪湘元私鑄鉛錢經縣自行查出帶同差役會營拿獲失察職名應免開奏等語查該犯倪湘元私鑄鉛錢係隣人朱聖章告知保正稟報該縣始行拿獲並非自行訪拿例得議處不便免議應將失察私鑄鉛錢之蕪亭縣知縣李麟應照例降三級調用再查私鑄錢文失察之該官上司俱例有處分應令該署撫查明補奏到日再議可也奉

旨依議乾隆十六年四月邸抄

私鑄爲從擬遣人犯不論有無妻室概發外遣

刑部爲查獲私鑄事浙江司案呈准廣東司傳抄據廣撫鶴 咨稱增城縣民陳宗伍係聽從聞拿白縊身死之單邦達夥鑄私錢陳振邦等輾轉販賣案內爲從訊有妻室擬遣爲奴之犯奉准部覆行令將陳宗伍照例刺字僉妻解部發遣等因茲查明陳宗伍之妻黃氏于未奉文行之先乾隆十八年八月十八日在家病故取有保隣人等甘結該縣加具印結該犯應否改發烟瘴之處詳請咨請部示查粵省歷來查辦私鑄案內爲從應擬發遣爲奴人犯有妻室者俱係聲明照例僉妻解部發遣其並無妻室以及原有妻室陸續病故者俱係請照名例改發雲貴四川煙瘴少輕地方安置卽本案爲從擬遣訊無妻室之單亞朝單亞七亦係議請改發烟瘴地方安置奉准

部覆允准行回遵照惟乾隆十八年九月初七日准湖北撫咨解江陵縣民黃廷儀來粵安置一案查黃廷儀係私鑄爲從擬遣原供有妻議以解部發遣迨奉部覆妻室已故經楚省改發粵省烟瘴少輕地方隨將黃廷儀押發陽江縣折責安置嗣于乾隆十八年十一月初九日准湖北撫咨准六部駁飭以私鑄爲從發遣爲奴原照強盜情有可原例僉遣並無妻室病故改發烟瘴之例行令將黃廷儀照例解部又經檄飭將黃廷儀請咨解回楚省仍行解部在案是粵省從前查辦之案似與楚省查辦黃廷儀之案互異今陳宗伍一犯可否仍照粵省成案改發烟瘴抑或將該犯照依楚省黃廷儀之案仍行解部之處理合咨請部示以便遵照等因前來查例載免死減等強盜不論有無妻室俱解部發遣爲奴其別項發遣人犯分別有無妻室改發又私鑄舊例爲首斬決爲從絞決照強盜例分別法所難

宥情有可原是私鑄爲從發遣之犯原係比照免死強盜辦理迨乾隆十四年四月內將私鑄爲首改擬斬候爲從改擬發遣其分別有無妻室之處未經議及並無明文可據是以各省辦理此等案件不能畫一今該撫既稱楚省有仍照免死強盜不論有無妻室概發外遣之案自應畫一辦理除從前已經議結各案毋庸議外應令該撫將陳宗伍解部發遣並傳知各司行文各省督撫嗣後遵照畫一辦理可也等因乾隆十九年五月十五日浙省准咨

盜用親王圖章治罪

內務府奏爲治罪事經和碩莊親王大學士來 尚書舒 奏據江撫開 奏陳德昌身帶慎郡王圖章照票前往該省採買木植一案 奏

旨飭交臣等會審當將陳得昌在該省供出慎郡王家之白太監蕭太監

似案續增 卷二十一
門下行走之醫士馮大業及審據馮大業供出之引進人吳械代筆人荃英俱各立即拘拿到案今據該撫將陳德昌及伊夥伴土裕新長隨吳世雲吳國相一并咨解前來隨將各犯逐一研訊據馮大業等各供認不諱臣等細核此案情節從前叅奏到日即將馮大業拘拿到案嚴加審結所有假造執照偷用圖章之處已供認確鑿今陳德昌到案所供亦與馮大業相符臣等恐有串供情弊反覆究詰嚴加刑訊仍堅供不移細加核審似無遁情查馮大業係在慎郡王門下行醫之人理因安分乃因吳械引進陳德昌謀求執照一力包攬假造執照央荃英代為標寫復敢將慎郡王圖章偷用執照給付陳德昌以圖重謝甚屬不法應將馮大業比照詐偽六部都察院將軍督撫提鎮守禦緊要隘口衙門文書盜用印信及將空紙用印者皆絞監候擬絞但馮大業係盜用慎郡王圖章與盜用印信者有間應

減一等杖一百流三千里至配所折責四十板陳德昌以無賴商賈潛住京師膽敢鑽謀王府執照假冒職官擅打旂幟燈籠前往江西干謁地方官計圖採買山木招搖滋事殊屬不法應將陳德昌照假冒官職者發邊衛充軍不准援赦例交刑部發邊衛充軍王裕新雖係聽從陳德昌使令擅戴頂帽固屬不法但尚係為從應將王裕新酌減一等杖一百徒三年至配所折責四十板吳械以平民住居京師自應安分生理乃敢始初牽引陳德昌與馮大業通同作僇後雖被欺騙並無得財但擅為引進罪寔難逭應將吳械照不應重律杖八十係民折責三十板荃英不辨真假擅聽馮大業使令代為判寫執照并漢廷擅聽陳德昌使令代為送信均屬不合應將荃英岳漢廷均照不應輕律笞四十係進民各折責十五板太監蕭玉白玉秀陳德昌僱工人吳世雲吳國相審係無干均毋庸議馮大業名下

應追木如意九柄小玉器九件銀二十二兩照例催追入官至慎郡
王容令馮大業夫婦在門上出入行走毫無忌憚致被大業乘間偷
用圖章至事發之際理應根究虛實奏交該處審理乃既不根究
叅奏又不令人看守仍視爲泛常置若罔聞殊屬不合應請交宗人
府照例查議具奏所有訛照旂幟等物均令銷燬可也奉
旨依議乾隆十三年十二月初六日邸抄

假冒職官情罪甚重發吉林烏拉

乾隆十六年 月奉

上諭據湖南巡撫楊錫綬摺奏審結假官誑騙之壽掄元一案內稱壽掄
元向曾往來衡州因其誑騙多事經地方官先後拿獲逃回原籍復于
上年潛至漢口控稱河員委辦木誑騙客民干謁官長應照假冒職
官例發邊衛充軍等語壽掄元撞騙滋事積案纍纍乃復不知悔改仍

敢假官局騙恣意妄行似此稔惡奸匪情罪甚重僅予充軍不足蔽
辜着發吉林烏拉以示懲創欽此

文淵閣

Blank page with some faint marks and a small mark resembling the number '1' on the left side.

Blank page with a faint grid pattern and a vertical line on the right side. There are some faint marks and a small mark resembling the number '1' on the right side.

